



Data: 04.02.2019

Ref.: 141/190

Në mbështetje të Nenit 4, dhe 23, të Ligjit për Administratën Shtetërore të Republikës së Kosovës (nr.03/L-189, datë 16.09.2010), Ligjit për Procedurën e Përgjithshëm Administrative (nr. 05/L-31, datë 25 maj 2016), neni 7, dhe neni 15 të Ligjit për Arsimin e Lartë në Republikën e Kosovës (Nr. 04/L-037, datë 29.08.2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Këshilli Shtetëror i Cilësisë (KShC), në mbledhjen e 61-të, të mbajtur më 15 dhe 16 janar 2019, mori:

## V E N D I M

1. Tërhiqet akreditimi i programeve të studimit të Universitetit të Mitrovicës "Isa Boletini" si më poshtë:
  - Edukim Fillor, BA, 240 ECTS;
  - Edukim Parashkollor, BA, 240 ECTS;
  - Inxhinieri Ekonomike, BSc, 180 ECTS, dhe
  - Juridik, LLB, 240 ECTS.
2. Ky vendim hyn në fuqi me nënshkrimin e tij.

## Arsyetimi

Bazuar në Nenin 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *"Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullit të punës me titull PhD nga fusha e programit të studimit"*.

Sipas Nenit 30 të Udhëzimit Administrativ për Akreditim, *"IAL-të, duhet të dorëzojnë deklaratat e stafit akademik të angazhuar jo më larg se data 31 tetor"*, pra IAL-të janë të obliguara të deklarojnë stafin akademik më së largu deri më 31 tetor 2018. Sipas pikës 3 të Nenit 30 të UA për Akreditim, *"Vetëm stafi akademik i deklaruar dhe aprovuar nga AKA, do të konsiderohet në procesin e akreditimit/riakreditimit për vitin pasues akademik dhe stafi akademik i deklaruar dhe aprovuar nga AKA për programet ekzistuese në kuadër të procesit të monitorimit"*.

Pas deklarimit të stafit akademik të IAL-ve, AKA ka filluar me verifikimin e dokumentacionit të tyre me qëllim të konfirmimit të plotësisë të kriterëve ligjore për secilin program të studimit. Në mbledhjen e mbajtur më 15 dhe 16 janar 2019, KShC ka analizoi në detaje të gjithë dokumentacionin e secilit staf akademik të

paraparë për bartës të programeve nga IAL-të. Pasi analizoi fushat e studimit për secilin prej tyre, mori vendim si në dispozitiv të këtij vendimi.

1. Për programin e studimit: *Edukim Fillor, BA, 240 ECTS*, bartës të këtij programi Universiteti i Mitrovicës "Isa Boletini" (tash e tutje Universiteti) ka paraparë këtë staf: Eliza Avdiu (PhD në Shkenca Sociale/Psikologji-Sociologji), Qerim Selimi (PhD në Shkencat e Biologjisë), Violetë Bardhi Zeqiri (PhD në Shkencat e Filologjisë) dhe Nushe Lajçi (PhD në Shkencat Teknike/Inxhinieri Kimike).

Ky program ka 240 ECTS, dhe rrjedhimisht sipas Nenit 26, pika 5.3.4 e Udhëzimit Administrativ për Akreditim, për këtë program të studimit Universiteti duhet të ketë të paktën katër staf akademik me gradën akademike PhD me marrëdhënie të rregullt të punës nga fusha e programit të studimit.

Pas verifikimit të dokumentacionit të stafit akademik të prezantuar nga Universiteti, për këtë program të studimit, u konstatua që një nga anëtarët e stafit akademik nuk i përket fushës relevante të programit të studimit. Nushe Lajçi është PhD në Shkencat Teknike/ Inxhinieri Kimike fushë jorelevante në programin e studimit *Edukim Fillor*.

Andaj bazuar në faktet e prezantuara më sipër dhe dispozitat ligjore të sqaruara më lartë, KShC vendosi që në mungesë të stafit të fushës së programit të studimit, dhe bazuar në Nenin 26, pika 5.3.4 e Udhëzimit Administrativ për Akreditim të tërheq akreditimin për programin e studimit *Edukim Fillor, BA, 240 ECTS*.

2. Për programin e studimit: *Edukim Parashkollor, BA, 240 ECTS*, bartës në këtë program, Universiteti ka paraparë: Merita Shala (PhD në Shkenca Sociale/Psikologji-Pedagogji), Mimoza Shahini (PhD në Shkenca Mjekësore), Besim Gollopeni (PhD në Shkenca të Sociologjisë) dhe Besire Cena (PhD në Fizikë).

Ky program ka 240 ECTS, dhe rrjedhimisht sipas Nenit 26, pika 5.3.4 e Udhëzimit Administrativ për Akreditim, për këtë program të studimit Universiteti duhet të ketë të paktën katër staf akademik me gradën akademike PhD me marrëdhënie të rregullt të punës nga fusha e programit të studimit. Pas verifikimit të dokumentacionit të stafit akademik të prezantuar nga Universiteti, për këtë program të studimit, u konstatua që tre nga anëtarët e stafit akademik nuk i përkin fushës relevante të programit të studimit. Mimoza Shahini është PhD në Shkenca Mjekësore, Besim Gollopeni, PhD në Shkenca të Sociologjisë dhe Besire Cena është PhD në Fizikë, fusha këto të cilat nuk janë relevante për programin e studimit *Edukim Parashkollor*.

Andaj bazuar në faktet e prezantuara më sipër dhe dispozitat ligjore të sqaruara më lartë, KShC vendosi që në mungesë të stafit të fushës së programit të studimit, dhe bazuar në Nenin 26, pika 5.3.4 dhe pika 5.3.10 e Udhëzimit Administrativ për Akreditim të tërheq akreditimin për programin e studimit *Edukim Parashkollor, BA, 240 ECTS*.

3. Për programin e studimit: *Inxhinieri Ekonomike, BSc, 180 ECTS*, bartës në këtë program Universiteti ka paraparë këtë staf: Hakif Zeqiri (PhD në Shkenca Teknike), Sahit Surdulli (PhD në Shkenca Ekonomike) dhe Edita Bekteshi (PhD në Shkenca Filologjike)

Ky program ka 180 ECTS, dhe rrjedhimisht sipas Nenit 26, pika 5.3.4 e Udhëzimit Administrativ për Akreditim, për këtë program të studimit Universiteti duhet të ketë të paktën tre staf akademik me gradën akademike PhD me marrëdhënie të rregullt të punës nga fusha e programit të studimit.

Pas verifikimit të dokumentacionit të stafit akademik të prezantuar nga Universiteti, për këtë program të studimit, u konstatua që Edita Bekteshi është PhD në Shkenca Filologjike, fushë kjo jorelevante për programin e studimit *Inxhinieri Ekonomike*.

Andaj bazuar në faktet e prezantuara me sipër dhe dispozitat ligjore të sqaruara më lartë, KShC vendosi që në mungesë të stafit të fushës së programit të studimit, dhe bazuar në Nenin 26, pika 5.3.4 dhe pika 5.3.10 e Udhëzimit Administrativ për Akreditim të tërheq akreditimin për programin e studimit *Inxhinieri Ekonomike, BSc, 180 ECTS*.

4. Për programin e studimit: *Juridik, LLB, 240 ECTS*, si bartës të këtij programi Universiteti ka paraparë këta persona: Agron Beka (PhD në Shkenca Juridike), Halil Bajrami (PhD në Marketing), Islam Qerimi (PhD në Shkenca Juridike) dhe Bashkim Bellaqa (PhD në Statistika).

Ky program ka 240 ECTS, dhe rrjedhimisht sipas nenit 26, pika 5.3.4 e Udhëzimit Administrativ për Akreditim, për këtë program të studimit Universiteti duhet të ketë të paktën katër staf akademik me gradën akademike PhD me marrëdhënie të rregullt të punës nga fusha e programit të studimit.


Pas verifikimit të dokumentacionit të stafit akademik të prezantuar nga Universiteti, për këtë program të studimit, u konstatua që Halil Bajrami është PhD në Marketing, ndërsa Bashkim Bellaqa është PhD në Statistika profile këto që nuk i përkasin kësaj fushe siç përcaktohet me pikën 5.3.4 të Nenit 26 të UA për Akreditim.

Andaj bazuar në faktet e prezantuara me sipër dhe dispozitat ligjore të sqaruara më lartë, KShC vendosi që në mungesë të stafit akademik të fushës së programit të studimit, dhe bazuar në Nenin 26, pika 5.3.4 e Udhëzimit Administrativ për Akreditim të tërheq akreditimin për programin e studimit *Juridik, LLB, 240 ECTS*.

**Këshillë juridike:** Kundër këtij vendimi pala e pakënaqur mund të paraqitet ankesë sipas Nenit 125 dhe 126, të Ligjit për Procedurën e Përgjithshme Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerr këtë vendim bazuar në Nenin 128 të LPPA, në afatin prej 30 ditësh kur pala është rrijuar për aktin administrativ sipas Nenit 127 të LPPA.

Vendimi iu dërgohet:

- Universitetit të Mitrovicës "Isa Boletini";
- MASHT-it; dhe
- Arkivit të AKA-së.

  
Prof. Dr. Gazmend Luboteni  
Kryetar i Këshillit Shtetëror të Cilësisë

